



SAKSFRAMLEGG

Sakshandsamar: Jan Erik Boge	Arkivkode: FA-A20
Arkivsaksnr: 20/52	Løpenr: 20/1980
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	05.03.2020	009/2020

Tilleggsføring til leikeapparat på uteområdet til barneskulen

05.03.2020 Kommunestyret:

Handsaming i møtet:

Håvard Tvederås (Frp) sette fram følgjande framlegg, på vegner av Frp:

"Kommunestyret løyver 200 000 til nytt leikeområde på Samnanger Barneskule. Beløpet tas ifbm med lån/ investeringsbudsjett for 2020."

Ordførar Knut Harald Frøland (Bl) bad om gruppemøte.

Etter gruppemøtet orienterte Håvard Tvederås om at Frp trekte det første framlegget sitt. I staden sette han fram følgjande fellesframlegg frå Frp, Bl, Sp og KrF:

"Det blir løyvd 75 000 kr, med finansiering frå disposisjonsfondet. Og at administrasjonen utarbeider ein plan for uteområdet og tiltak. Det blir lagt fram til formannskapet 28/5 med en finansieringsplan."

I røystinga vart rådmannen sitt framlegg sett opp mot fellesframlegget frå Frp, Bl, Sp og KrF. Fellesframlegget vart samrøystes vedteke.

KS- 009/2020 Vedtak:

Det blir løyvd 75 000 kr, med finansiering frå disposisjonsfondet. Og at administrasjonen utarbeider ein plan for uteområdet og tiltak. Det blir lagt fram til formannskapet 28/5 med en finansieringsplan.

Rådmannen sitt framlegg til vedtak:

Kommunestyret løyver 75 000 kroner til nye leikeapparat i uteområdet ved Samnanger barneskule. Løyvinga vert finansiert med midlar frå disposisjonsfondet.

Rådmannen får fullmakt til å avgjera korleis midlane skal brukast, i samråd med barneskulen, organa ved barneskulen (elevrådet, SMU og FAU) og eining for samfunnsutvikling.

Dokument som ikkje er vedlagt:

Kva saka gjeld:

I fjor haust vart det store klatrestativet teke bort frå leikeområdet ved barneskulen. Årsaka var at stativet var utslite etter 20 år med dagleg bruk, og at det heller ikkje oppfyller noverande krav til leikeapparat. I tillegg har sandkassen smuldra opp og lite sand er tilbake. Det er stort behov for å fornya slik at elevane har fleire moglegheitar for utfolding, aktivitetar og meir variasjon i friminutta. Me ser også viktigheita av at elevane kan spreie seg rundt på uteområdet og kosa seg med leik som passar til dei ulike nivåa og utvikling ut frå aldersteget.

Skulen har/skal saman med elevrådet, skulemiljøutvalet (SMU) og foreldreåret sitt arbeidsutval (FAU) jobba med idear til fornying og plan for å forbetra utearealet med nye leikeapparat som utfordrar til meir aktivitetar for elevane. FAU/SMU er svært gode samarbeidspartnarar og ønskjer å gjera noko for det fysiske miljøet ved skulen, og har sett i gong innsamling til fornying av utstyr. Dei har også hatt vitjing av Lekolar, som er ei bedrift som sel leikeapparat og som kommunen har innkjøpsavtale med.

Vurderingar og konsekvensar:

Kommunen har ansvar for at skulane gir elevane så godt læringsmiljø som ein kan, i tråd med gjeldande lover og føresegner. Paragraf 9A-7 i opplæringslova seier noko om det fysiske skulemiljøet, som skal ...«tilretteleggjast og drivast slik at det blir teke omsyn til tryggleik, helsa, trivsel og læring for elevane.»

Å få gode leikeapparat med høg kvalitet vil innebera ein relativt stor økonomisk kostnad. Rådmannen er imponert over engasjementet til foreldra og elevane og ynskjer at kommunen deltek med midlar i dette spleiselaget. Rådmannen ber difor kommunestyret om tilleggsløyving på 75 000 kroner (eksklusiv mva) til dette føremålet. Desse midlane bør brukast til å kjøpa inn nye leikeapparat i 2020. Desse midlane kan òg inngå som kommunal eigendel dersom det vert søkt om tilskot frå for eksempel Gjensidigestiftelsen eller Sparebanken Vest.

Kommunen kan òg søkja om tilskot (spelemidlar) til nærmiljøanlegg. Eit nærmiljøanlegg er definert som eit utandørsområde for eigenorganisert fysisk aktivitet, som ligg i tilknytning til bu- og/eller opphaldsområde. Ein kan søkja om tilskot til nærmiljøanlegg som er fritt, ålment tilgjengeleg for eigenorganisert fysisk aktivitet, først og fremst for barn og ungdom (6-19 år), men òg for lokalbefolkninga for øvrig. Det kan henda at kommunen vil kunne få spelemidlar til uteområdet på barneskulen dersom me søker om dette. Det vil i så fall bli ein kommunal eigendel. Det vil ikkje vera mogleg å få spelemidlar allereie i 2020. Kommunen sin frist i 2020 for å søkja om spelemidlar er 15. oktober, og svar på ein slik søknad vil ikkje koma før ca. juli 2021. Ein kan ikkje søkja om spelemidlar til alminnelege leikeplassar. Dersom kommunen søker om spelemidlar hausten 2020, kan løyving av midlar til kommunal eigendel vera naturleg å ta opp i samband med handsaminga av budsjettet for 2021.

Innkjøp av nytt leikeutstyr i 2020 vil skje i tråd med innkjøpsavtalar og etter lovverk for uteområde til skular. Eining for samfunnsutvikling v/teknisk drift vil vera rådgjevarar ut frå lovverk og utføra montering i tråd med lovverk, rutinar og med omsyn til kvalitetssikring.

Rådmannen foreslår at tilleggsløyvinga vert finansiert med midlar frå disposisjonsfondet.